



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

CXVI. Markgraf Friedrich d. J. bestätigt dem Kloster Arendsee alle seine Besitzungen, am 16. November 1457.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

marken, vnde de prefter ſchal ok neyn Inwoner weſzen deſz blekes vnde med alle des cloſterhoue, wen he ſchal wonen to der Gentzin, to Tilebe eſte to Cloden. Weret auer, dat me in den vorſchreuen dorpern neynen Prefter mochte hebben vnde vp deme houe eyn prefter were, de neyn cappellan were, deme mogen wy de miſſen wol beuelen vnde de beuelinge ſchal nicht lenger waren wen to eynem Jare, vmme ſake, eſt de prefter deme godeshuſz eſte deme bleke to vnwillen edder weddere were, vnde weret, dat deme Prefter dat ſo nicht euen vnde vnſz nicht to gade, ſo ſcholen wy an beyden haluen eyn deme andern eyn verndel jars toverne vpfegghen vne vorſeydes willen. Ok ſchal de gnante Prefter deſz ſondages vor ſunte Merten vor winachten vor lichtmiſſen to allemanne vaſten jn palmedage in vnſzer frowen dage der bort dar ok miſſe holden, vnde eſt to deme altare offer velle, dat ſchal de prefter antworten to houe vnde nicht beholden. Alle vorſchreuen ſtucke vnde artikel in ſament vnde eyn jſlik befundern louen wy Proueſt, Priorinne vnde gemeyne conuent Ergnant eyndrechtigen deme ergnanten vnſzerm Rade vnde vorſtendern Sancti Johannis jn jegenwordicheyt hern Mathias von Jagow, Helmich Cloden, Dickman Siuert, Becker, Peter vinnow, Radmanne vnd alderlude, Inwoners vnſzes Blekes, ſtede vnde vaſte to holden, ſunder argeliſt, hulperede eſte nige vunde. Des to merer vnde groter bekantniſſe hebben wy Proueſt, Priorinne med vnſzes Conuentes wulbort vnſzer proueſtien vnde vnſzes Conuentes Ingeſegelen eyndrechtigh laten henghen nedden an diſſen breyff, De geuen is vnde ſchreuen na chriſti gebort duſent jar veyrhundert, darna in deme viſ vnde vertigefſten jare jn deme dage vnſzes hern god himmeluart etc.

CXVI. Markgraf Friedrich d. J. beſtätigt dem Kloſter Arendſee alle ſeine Beſitzungen,
am 16. November 1457.

Wy Frederick dy Jungher, van gots gnaden Marggraue to Brandenborch vnde Borchgraue to Nurenberg, Bekenne apenbar myt deſſeme bryue vnde vor alſweme, dat deſſe nahgeſcreuen guder vnſes Cloſters Arnſze ſint vnde em horen, Alſe in dat jrſte dy Cloſterhoff myt alle ſynen tobehoringen Houen, Breyden, wyſchen, holten, alle dy holte myt der See wente an dat vleth geheyt de Bynde, dar dat twyſchen kowlitze vnde mechow nedder loppet jn de holte, myt den dorpfſteden vnde hoſteden jn den fuluen holten belegen, genomt Noyden, Raudenſyn, Borchwerck, Satthun wente an dat lanth lennegow, al de holte van deme lande lennegow vor den danhorne auer myt der vulen Sehe by deme dorpe ghentzyn myt der weyde, viſchereye, holte, jacht, neynerleye vtgeſcheyden, dat Stedeken vnde dat dorp Arnſzee, Gerichte hogeft vnde ſydeſt, pechte, Tins, ſchot, toll, mollen myt alleme rechte neynerleye vtgeſcheyden, de dorper kowelitze, Schrampe, Cziczow, Sumerdorppe, Gentzyn, Leppin, Czerne, Neylinge, Samel, Guſtyn, Czulen, Cloden vnde Cratz myt den gericht hogeft vnde ſydeſt, vogedyen, Beden, pechten, Tynſzen, Rockhunren, Tegeden, wyſchen, holten, watere, weyde, mollen myt alleme rechte neynerleye vtgeſcheiden. In deme dorpe to hilgenvelde dat gerichte hogheft vnde ſydeſt, neghen houe myt aller tobehoringe an bede, pechten, Tynſzen,

Tegeden, Rockhunren, wysche, holte, mollen vnde alle de Cofter erue jn alle vpgenomenen dorperen darfulues myt alleme rechte neynerleye vthgefcheyden, jn deme dorpe Sannen dat gericht hogest vnde fideft, achte houe mit aller tobehoringe an pechten, tynzen, Tegeden, rockhunren, wiffchen, holten, watere, weyde, mollen vnde de Coftererue darfulues myt alleme rechte neynerleye vthgefcheyden. In deme dorpe Tylebe dat gericht hogest vnde fydest, twelf houe myt aller tobehoringe vnde de Coftereruen darfulues myt alleme rechte neynerleye vthgefcheyden. In deme dorpe Bynde dat gericht hogest vnde fideft, eluen houe mit aller tobehoringe, alle de kostereruen darfulues myt alleme rechte neynerleye vthgefcheyden. In deme dorpe listen dat gericht hogest vnde fideft, viff houe myt aller tobehoringe an pechten, tynzen, Tegeden, Rockhunren, wiffchen, acker, weyde, neynerleye vthgefcheyden: vnde an entelen guderen, Alle jn deme dorpe Primere eyn wispel roggen; To dewetze in des schulten hoff teyn schillinge Brandenborges fuluers myt meer anderen tynzen vnde pechten darfulues; jn deme dorpe Drusedow twe wispel roggen, vpp deme velde Pinnow vor Osterborch beleggen auer twe houe twe wispel roggen; To gladegow anderhalff wispel roggen jn der water mollen vnde in desuluen mollen myt alleme rechte, Ock darfulues eyn wispel gersten, drutteyn honre, achte schillinge Brandenborges fuluers; jn deme dorpe Neynwynkel eyn wispel roggen; By dem alande vor Sehufen eyner houen teget; Auer den hoff kader genommet By Sehufen belegen eyn wispel weyten; De hoff herzfelde by Sehufen myt vyff verndel landes myt deme tegeden myt vefteyn penningen to tynse, wiffchen lande, myt deme gericht hogest vnde fideft; De hoff Snellenberch vor werben beleggen myt houen lande, wiffchen vnde alle fynen tobehoringen; De hoff Tegelhoff vnde twe houen geheyt de kemericke, belegen vor werben, myt alle oren houen lande, wiffchen vnde alle oren tobehoringen, Morgen lande, tegeden vnde pechten neynerleye vthgefcheyden; In deme dorpe Raben twe wispel roggen vnde eynen wispel ghersten; In deme dorpe groten ellynge eynen wispel roggen. Vnde bekennen vort, dat vns nugeftigen wtlke geworden is, dat alle desse vorfcreuen gudere recht vnde redelken vnde vormyddelst gotliker, rechtuerdiger, ewiger gift vnde ock rechtes vnde redelkes erfkopes an vnse gnante Clofter Arnfze gekamen synt vnde dy werdigen vnde Andechtigen vnse lenen getruwen Eren andreas seroder prauift, vor Mechtildis Quitzow priorynne vnde de gantze sameninge des genanten vnfes closters Arnfze de vorfcreuen gudere jn rechten Rowliken Brukelken weren Nu datum desfes briues hebben vnde besitten vnde sy vnde ore vorvaren dy ock in Sodaner weren gehath vnde beseten hebben van nu an vpwart to rekende, So lange dat nymant, dy nu leuet anders gedenken mach. Vnde wat van vnfen vorvaren, Marggrauen to Brandenborch vnde ock van andern vorsten, heren vnde grauen, Marggrauen, vorstynnen vnde Gravinnen deme genanten Clostere Arnfze, deme prauifte vnde priorynne vnde deme gantzen Conuente darfulues vnde alle oren varvaren vnde nahkomingen an desfen vorfcreuen guderen gegheuen, vorleghen, vorkofft, vorlaten, gefryet, incorporeret, approprieret vnde geeeyghent is, Dat bewillen, beleuen, bevulborden, bevesten vnde bestedighen wy vor vns, vnse eruen vnde alle vnse nakomelinge, Marggrauen to Brandenborch ewichliken so to bliuende. Is ock jennich vorfumenisse effte gebreck jn desfen vorfcreuen giften, kopen, vorlygingen, vorlatinghen, vrigingen, Incorporeryngen vnde voreygingen effte in oren formen, worden effte in oren bryuen darauer gegeuen, gesecheyn effte icht dat dar ane van rechte secheyn scolde na bleuen, Sodanes vnde eyn ichlik befunderen verbeterer, suppleren vnde voruullen wy gentzliken vnde vullenkameliken altomale. Hebben sy ock kopbriue, eygendomes bryue ofte jennigerleye ander bryue, de sy vpp desse vorfcreuen gudere hadden, vorleith vorlaren edder synt one von older

edder von water, vure edder von vorwarlofe edder jenniger anderleye wis jn den karten, pergamenen efte jngefelgelen preffelen, vorworden, vordoruen, torethen edder braken edder in tokamenden tyden dat noch fo gefchege, dat fcal en altomale vnfehdelik blyuen vnde wesen. Wy vnde vnfe eruen vnde nakamelingē ſchult vnde wilt ok neyne bryue efte jennigerleye bewifinge vppe deſſe vorſcreuen gudere vurder mer na deſſer tydt van em efchen efte efchen laten efte ſy dar vp theyn jn neynerleye wys. Wat ouer deme vorſcreuen Cloſter, Prauiſte, Priorynne vnde gemeynen Conuente to der Arnſze, oren varvaren vnde nakamelingen an deſſen vorſcreuen guderen wente her noch nicht, So vorſcreuen ſteyt, vorlaten, vorleghen, ghevriet vnde voreygent is, Dat vorlaten, gheuen, vryen, incorporeren vnde voreygen wy em nu jegenwardich jn der beſten wyſe, mate vnde formen So wy konnen vnde mogen, vor vns, vnfe eruen vnd alle vnfe nakamelingē, Marggrauen to Brandenborch, jn dy ere vnde to loue vnde to dynſte des almechtigen gades, Syner werden moder der Junefrowen marien, des hilghen apoſtels Sancti Johannis ewangelifte vnde alle gades hilghen vnde to vnſer, vnſere olderen, vnſer vorvaren vnde nakamelinghen ſelen ſalicheyt ewichliken by one to bliuende jn craft vnde macht deſſes bryues. Vnde wy vnde vnfe eruen vnde alle vnfe nakamelingen, Marggrauen to Brandenborch ſchult vnde wilt ſee vnde alle ore nakamelingē by ſodanen guderen, eygendome, beſittinge, weren, vryheyden vnde rechticheyden roweliken ewichliken bliuen laten vnde truweliken darby beholden, vorbidden vnde vordedingen, wan vnde war wy konnen vnde maghen. Vnde wy hebben en ock geghant, togeſtadet, bewillet vnde beuulbordet, dat ſy alle dy gudere, dy ſy jn pantſchapp vnde vp eynen wedderkopp wente her datum deſſes bryues jngenamen vnde gekofft vnde nu jn hebben, dat ſy de vort jn hebben vnde ſick vnder beholden moghen So langhe dat on ore ghelt, dat ſy dar ane hebben, na Inholde orer bryue vnde vordracht dar ouer gefcheyn, wedder gegeuen vnde betalet is. Hyr vor hebben vns dy gnante Prauiſt, Priorynne vnde de gantze Sammeninge to der Arnſze wedder auergegheuen, ghunet vnde togeſtadet, dat eyn iflik beſath buhoff eynen rynfchen gulden vnde vier beſatte koſtſater houe duſſer orer vorſcreuen gudere vns ock eynen Rinfchen gulden gegheuen vnde wol betalet hebben, de alle jn vnfe vnde vnſer herſcopp nut vnde vramen gekart vnde gekamen ſynt. Tughe deſſer vorſcreuen dingk ſynt dy Erwerdighen her Andreas haffelmann, prauift to Soltwedel, Decretorum doctor Her Johann Verdemann, prauift to dore, vnfe kenzeler, her Johann Pawe, Prauiſt to diſtorpe, vnde de ſtrenghe vnde duchtighen Mathyas van Jagow, Ritter, Olrick van Jagow, ſyn vedder, Arnd van Luderitze, Hinrick Wulſke, vnfe voghet to Soltwedel, Diderick Jaufman, vnfe marſchalk, vnde vele meer vnſer manne vnde leuen getruwen, de darto geladen an vnde auer gewefet ſynt. To orkunde mit vnſeme Angehanghen Ingeſegel vorſegelt vnde gegeuen to Soltwedel na vnſes heren criſti gebort vier- teynhundert Jar, vnde darnah jn deme Seuen vnde veftigeften Jare, des mandages na Sante Mertens daghe.